

Bosna i Hercegovina
Federacija Bosne i Hercegovine
KANTON SARAJEVO

CENTAR ZA ODGOJ, OBRAZOVANJE I REHABILITACIJU

"VLADIMIR NAZOR"

Sarajevo, Ul. Azize Šaćirbegović br. 80

Tel.direktor: (00387) 33641354 ili sekretar: (00387) 33650196



Na osnovu člana 88. stav 6., 9., 10. i 11. i člana 94. stav 2. tačka g.) Zakona o osnovnom odgoju i obrazovanju („Službene novine Kantona Sarajevo“ broj: 23/17,33/17, 30/19 i 34/20), člana 3. i 11. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17), člana 95. Pravila Javne ustanove Centar za odgoj, obrazovanje i rehabilitaciju „Vladimir Nazor“ Sarajevo, Saglasnosti ministra za obrazovanje, nauku i mlade Kantona Sarajevo broj: 11-30-1316-606/20, od 24.09.2020.godine i Odluke Školskog odbora, broj: 01-1541/20 od 09.10.2020. godine, raspisuje se

JAVNI KONKURS

za popunu upražnjenih radnih mjesta u Javnoj ustanovi Centar za odgoj, obrazovanje i rehabilitaciju “Vladimir Nazor” u školskoj 2020/2021.godini

I

Javna ustanova Centar za odgoj, obrazovanje i rehabilitaciju “Vladimir Nazor” raspisuje Javni konkurs za sljedeća radna mjesta:

a) na određeno vrijeme od okončanja konkursne procedure do 31.8.2021.godine za:

1. Spremačica...1 izvršilac, puno radno vrijeme (40 sati sedmično);
2. Defektolog-oligofrenolog/edukator rehabilitator...1 izvršilac, puno radno vrijeme (40 sati sedmično).

b) na određeno vrijeme od okončanja konkursne procedure do povratka radnice sa funkcije direktora škole, a najkasnije do 31.8.2021.godine za:

1. Nastavnik/nastavnica muzičke/glazbene kulture...1 izvršilac, 21 čas sedmično.

c) na određeno vrijeme od okončanja konkursne procedure do povratka radnice s porodiljskog odsustva, a najkasnije do 31.12.2020.godine za:

1. Defektolog-oligofrenolog/edukator rehabilitator...1 izvršilac, puno radno vrijeme (40 sati sedmično).

d) na određeno vrijeme od okončanja konkursne procedure do povratka radnika sa funkcije pomoćnika direktora škole, a najkasnije do 31.08.2021.godine za:

1. Defektolog-oligofrenolog/edukator rehabilitator ...1 izvršilac, puno radno vrijeme (40 sati sedmično).

UVJETI KONKURSA:

Pored općih uslova za zasnivanje radnog odnosa utvrđenih Zakonom o radu („Službene novine Federacije Bosne i Hercegovine”, broj: 26/16 i 89/18), kandidati treba da ispunjavaju i posebne uslove predviđene Zakonom o osnovnom odgoju i obrazovanju u Kantonu Sarajevo Nastavnim planom i programom, Pedagoškim standardima i normativima za osnovni odgoj i obrazovanje i normativnim aktima škole:

- za poziciju pod a) rb. 1: završena osnovna ili srednja škola;
- za poziciju b): profesor muzičke kulture i teorijskih predmeta, diplomirani muzički pedagog, profesor muzike, završen teorijsko-pedagoški odsjek u četverogodišnjem trajanju VII stepen, završen odsjek za muzičku teoriju i pedagogiju I ciklus u četverogodišnjem trajanju, nastavnici/profesori razredne i predmetne nastave educirani za rad sa djecom sa razvojnim teškoćama;
- za poziciju pod a) rb. 2, c) i d): VSS, diplomirani defektolog-oligofrenolog/edukator-rehabilitator, odnosno lica odgovarajućeg profila koja su završila školovanje po Bolonjskom studijskom programu;

Obavezna dokumentacija:

- a) svojeručno potpisana pisana prijava na konkurs sa kratkom biografijom, kontakt podacima kandidata, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- b) diploma/svjedodžba o stečenoj stručnoj spremi ili akademskom zvanju,
- c) izvod iz matične knjige rođenih,
- d) uvjerenje o državljanstvu (ne starije od šest mjeseci), od dana objavljivanja konkursa

Dodatna dokumentacija:

- a) Uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje i tačno navedeno,
- b) potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) uvjerenje o položenom stručnom ispitu,
- d) potvrda o vremenu provedenom na evidenciji Službe za zapošljavanje Kantona Sarajevo (ne starije od tri mjeseca),
- e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,

- g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
- h) osobe koje imaju status po osnovu dopunskih prava boraca-branitelja BiH, obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),
- i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH (2/98 i 48/99).

Prijava kandidata koji nije dostavio dodatnu dokumentaciju će se smatrati urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju Odluke o izboru radnika.

Kriteriji, procedure, uslovi, način bodovanja i izbor kandidata po ovom Javnom konkursu utvrđeni su Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo”, broj: 35/17).

Sa kandidatima koji ispunjavaju uslove iz člana 12.stav (5) tačka d) i e) Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo, izvršiće se provjera radnih i stručnih sposobnosti. O mjestu i vremenu provjere kandidati će biti pismeno obavješteni. Kandidati koji bez opravdanja ne pristupe provjeri, izgubiće pravo daljeg učešća u konkursnoj proceduri.

Svi kandidati koji se prijave na Javni konkurs, biće pismenim putem obavješteni o rezultatima konkursa u roku od sedam dana od dana donošenja odluke o izboru kandidata koja se dostavlja u prilogu obavještenja.

Po konačnosti Odluke o izboru radnika, izabrani kandidat dužan je dostaviti ljekarsko uvjerenje nadležne zdravstvene ustanove koje nije starije od šest mjeseci, kao i drugu dokumentaciju u skladu sa zakonom i internim aktima ustanove, nakon čega direktor zaključuje ugovor o radu sa izabranim kandidatom.

Nepotpune, neblagovremene i neuredne prijave neće se uzeti u razmatranje.

Dokumentacija prijavljenih kandidata koji nisu izabrani po ovom konkursu vraća se na lični zahtjev i podiže kod sekretara škole u roku od 30 dana od dana okončanja konkursne procedure.

Prijave sa potrebnom dokumentacijom dostavljaju se lično ili na adresu: Javna ustanova Centar za odgoj, obrazovanje i rehabilitaciju „Vladimir Nazor” Sarajevo, Azize Šaćirbegović 80, 71000 Sarajevo, sa naznakom

„Prijava na konkurs za poziciju ____/ne otvarati – otvara Komisija za utvrđivanje prijedloga za izbor radnika”.

Konkurs je objavljen u dnevnom listu „Oslobođenje” i službenoj internet stranici Ministarstva za obrazovanje, nauku i mlade Kantona Sarajevo 12.10.2020.godine i ostaje otvoren 8 (osam) radnih dana od dana objavljivanja. Krajnji rok za podnošenje prijava na konkurs je 22.10.2020.godine.